

子

思

子

子思外篇卷之六

重見

定海黃以周輯解

天命之謂性率性之謂道脩道之謂教也

後漢書朱穆傳注引單稱

子思今見中庸篇則唐人所以引子思即出子思子也

天下之過道五所以行之者三

史記平津侯傳索隱云此語出子思子今見中

庸

詩於穆不已

周頌疏引詩譜子思語今見中庸

毛詩譜曰子思論詩於穆不已孟仲子曰於穆不似

正義云傳雖引仲子之言而文無不似之義蓋取其

說而不從其讀

同言而情則信在言苟同令而行則誠在令外

徐幹中論單稱

子思後漢王良傳引語曰注以爲子思子象德之言意林載子思子下有聖人在上而遷其化二句

君子不以所能者病人不以人之所不能者愧人

意林引子

思子今見表記

天下有道則行有枝葉天下無道則言有枝葉

太平御覽四百

三引子思子今見表記

民以君爲心君以民爲體心莊則體修心肅則身敬也

文選注又十一引子思子今見緇衣

詩云晉吾有先正其言明且清國家以寧都邑以成

文選

注二十四引子思子今見緇衣

小人溺於水君子溺於口也

意林一引子思子今見緇衣

逸篇

慈父能食子不能使知味聖人能悅人不能使人必悅

意林一引子思子周校本於此分節

國有道以義率身無道以身率義苟息是也

全上

終季爲車無一尺之軫則不可以馳

全上

原本軫誤輪又脫以字茲從御覽七百七十三引改

據考工記輪之高不止一尺輪之牙厚三寸三分高

一寸九分強舊本作輪爲字之誤無疑也軫有兩說

一以全輿言見考工記加軫與轅注一以車後橫木

言見說文車後橫木爲軫之專名據考工記軫之長六尺六寸其圍有一尺一寸云一尺者以成數言也詩謂之收毛傳云收軫也謂輿以軫而收也故云無一尺之軫不可以馳淮南子繆繇訓云終季爲車無三寸之軾不可以馳驅匠人斲戶無一尺之榱不可以閉藏卽取子思子之文而少變之三寸當作一寸文心雕龍事類篇寸軾制輪尺樞運關卽其義也近校淮南書者俱未及軾軸耑之鍵軸耑徑不及三寸何以施三寸之軾乎如謂軾與軸相連之處有孔亦施軾軾之廣亦祇有四寸一分亦似無以用此三寸之鍵也凡

人之行關鍵在誠一猶輿之收於軫戶之鍵於樞繆
稱訓謂此君子行恩其所結是也

百心不可以得一人一心可得百人

全上御覽三百七十六不可下無以

字繆稱訓取此條百心作兩心

君本也臣枝葉也本美而葉茂本枯則葉彫

全上繆稱訓取此條

君下有桓字馬驢釋史而作則

繁於樂者重於憂厚於義者薄於行

全上君子同則有樂

異則有禮

依御覽五百六十五引增

厚於義者厚於儀也古仁義字作誼禮儀字作義下

文有樂有禮即承上為義同謂和親和親自有樂有

何憂異謂親親之般尊賢之等等般出諸禮非薄行御覽厚於義佗厚於味淺人所改不足据

見長不能屈其色見賢不能盡其辭雖有風雨吾不入其門也

全上舊本誤與上連節今正之御覽又百六十五引上二句

又御覽一百八十三引家語見長者不能訕其色見幼者不能盡其辭此為王肅肥改今家語本又譌脫其文佗見長者而不盡其辭

君子以心導耳目小人以耳目導心

全上

王肅偽家語好生篇引此以為孔子語蓋家語襲取子思子處自多也君子以心導耳目即孟子所謂先

太乎其大而小者不能奪也又官心爲大耳目爲小
小人反以耳目導其心是以小役大矣斯之謂小人
說苑談叢篇君子化聖人而申其義云禍生於欲得
福生於自禁

費子陽謂子思曰吾念周室將滅涕泣不可禁也子思
曰然今以一人之身憂世之不治而涕泣不禁是憂河
水濁而以汰清之也

尸子見引於類聚三十五御覽
三百八十七孔叢抗志襲之

魯穆公問於子思曰吾聞龐糲氏之子不孝其行奚如
子思對曰君子尊賢以崇德舉善以勸民若夫過行是
細人之所識也臣不知也

韓非子十六論衡
十孔叢公儀襲之

穆公魯哀公之曾孫字亦佗繆字書無欄字當依論
衡佗搆氏之子一佗是子孔叢子佗龍欄氏子

公儀潛與子恩友穆公因子恩而致命欲以爲相子恩
曰公儀子此所以不至也君若飢渴待賢納用其謀雖
疏食飲水佗亦願在下風如以高官厚祿爲釣餌而無
信用之心公儀子智若魚者可也不爾則不踰君之庭
且臣不佞又不能爲君操竿下釣以傷守節之士

皇甫謐高

士傳中御覽五百七此所以佗
途所以疏佗諫孔叢公儀襲之

孔恩請行魯君曰天下主亦猶寡人也將焉之孔恩對
曰蓋聞君子猶鳥也駭則舉

呂氏春秋十八孔
叢抗志亦襲之

學所以益才也礪所以鼓刃也吾嘗幽處而深思不若
學之速吾嘗跋而望不若登高之博見故順風而呼聲
不加疾而聞者眾登邱而指臂不加長而見者遠故魚
乘於水鳥乘於風草木乘於時

說苑三建本篇
孔叢襍訓略同

說苑引此文與大戴及荀子勸學篇相同劉子政不
引荀子及戴記而併爲子思是荀戴所述皆出子思
子而子思子書中多併引夫子語故戴記載此文上
有孔子曰三字是則此言實出於夫子而子思子述
之也困學紀聞云說苑併此爲子思子蓋王氏以漢
魏人併子思皆子思子書中語故云然

子思居於衛緼袍無表二句而九食田子方問之使人
澹狐白之裘恐其不受因謂之曰吾假人也遂忘之吾
與人也如棄之子思辭而不受子方曰我有子無何故
不受子思曰伋聞之矣與不如遺棄物於溝壑伋雖貧
也不忍以身為溝壑是以不敢當也

說苑四節篇
二句一作三句

事自名也聲自呼也親自睦也物自處也人自官也無
非己者

徐幹中論
賢驗篇

中論引此單稱子思以同言而信條明出子思子而
中論亦單稱子思則此條之出子思子無疑蓋周秦
漢魏間無子思子之名所稱子思多出子思書故以

下所采諸書單傳子思亦并入之子思子此言蓋爲
怨人者發故中論申之曰故怨人謂之壅怨己謂之
通通也知所悔壅也遂所誤遂所誤也親戚離之知
所悔也疏遠附之疏遠附也常安樂親戚離也常危
懼淮南子繆稱訓多取子思書引申其義亦有此條
云怨人不如自怨求諸人不如求諸己得也譬自召
也貌自示也名自命也文自官也無非己者兩文各
有字誤貌自眩眩當作眎繆稱訓作自示示古眎字
文自官當依中論作人自官爲是

能勝其心於勝人乎何有不能勝其心如勝人何

中論
脩本

中論單稱子思以上條例之知其出子思書中論申其義云故一尺之錦足以見其巧一仞之身足以見其治是以君子慎其寡也寡猶獨也

堯身長十尺睂乃八采舜身長六尺面頰無毛禹湯文武及周公或勤思勞體或折臂望陽或禿髡背樓聖賢在德豈在貌乎

梁元帝金樓子太言篇下孔叢居衛襲之

荀子非相篇云帝堯長帝舜短文王長周公短宋符瑞志云舜長六尺一寸北堂書鈔一引帝王世紀舜身長六尺又引孔叢子堯身長十尺白虎通義論異

表云堯睂人彩舜重瞳子禹百三漏湯臂三肘文王
四乳武王望羊周公背僂羊陽古通望羊高視貌金
樓子與王篇周武王發望羊高視

免走於街百人追之貪人具存人算之非者以免爲未
定分也積免滿市過不能顧

金樓子太言篇
化過者不顧

非不欲免

也分定之後雖鄙不爭

後漢袁紹傳注金
樓子鄙下有人字

李注引慎子云云下曰子思子商君書竝載其詞略
同其實慎到商鞅皆在子思後非子思載慎到語也
人主自臧則眾謀不進事是而臧之猶卻眾謀況智非
己長乎夫不察事之是非而悅人之讚己闇算甚焉不

度理之所枉而阿諛求容諂算甚焉君闇臣諂以居百

姓之上民弗與也若此不已國無類矣

御覽六百二十引子思子

舜不降席而天下治桀紂不降席而天下亂

鈔本北堂書鈔十区

又一百三十三藝文類聚六十九御覽七百九引子思子

繆稱訓下句作桀不下陛意在求文之工而改之與上所舉三寸之轄一尺之榘同例古書不爾也淮南又申其義云心之精者可以神化而不可以導人目之精者可以消澤而不可以昭諒在混冥之中不可諭於人故舜不降席而天下治桀不下陛而天下亂蓋情甚乎叫呼也無諸己求諸人古今未之聞也此

卽同言而民信信在言辨之義似亦桑德篇之逸文
情哀而歌歌弗信矣其弦則是其聲則非也

鈔本北堂書鈔一百

六引子
恩子

繆稱訓佗夫子曰蓋子恩子述夫子之言也信古申
字檀弓云子夏旣除器而見子之琴和之而不和彈
之而不成聲佗而曰哀未忘也此誠中形外之義也

謂狐爲狸者非直不知狸也忽得狐復失狸者也

御覽九百

十一引
子恩子

謂狐爲狸者當依繆稱訓佗謂狐狸爲字衍文狐與
狸本二物今謂之狐狸者非特不知狸并不知狐者

也忽見狐又謂之狐狸是有得於狐而復失諸狸矣
此見名實之宜辨也繆稱訓云今謂狐狸則必不知
狐又不知狸非未嘗見狐者必未嘗見狸也狐狸非
異同類也而謂狐狸則不知狐狸是故謂不肖者賢
則必不知賢謂賢者不肖則必不知不肖者矣淮南
子申此語甚明顯

管仲續錦也雖惡而登朝子產練絲也雖美而不尊

八百
十五

御覽原注云見家語今家語不見注誤也明陳耀文
天中記四十九引子思子續作繪朝作廟絲作紫繆

稱訓取斯文作筦仲文錦也雖醜登廟子產練染也
美而不尊續當以繪為正續織餘繪會又采繡也錦
織文也朝廟義通凡絲必先練而後染練染既成乃
可用以織繡子產如絲得練染法故曰美而未有成
功人遂卑視之故曰不尊管仲如絲於練染先不怠
即成繪錦亦醜故曰惡然其功已成雖小而人樂
用之故曰登朝子思斯論最允

中行穆伯手捕虎

御覽三百八十
亦引子思子

而不能生也盡力優

而克不能及也

據淮南繆
稱訓增

御覽無下二句文意不全蓋節引爾故據繆稱文增

之繆稱訓繆伯繆捕佗搏古字通詩雲漢后稷不克
箋云克識也克不能及謂其識有所不足也擒虎亦
有術繆伯未得其術雖其力足以殺虎而不能生獲
故繆稱訓申其義曰戎翟之馬皆可以馳驅或近或
遠惟造父能盡其力三苗之民皆可使忠信或賢或
不肖惟唐虞能齊其美必有不傳者中行繆伯手搏
虎而不能生也蓋力優而克有所不及也謂繆伯未
尋擒虎之傳力雖優亦處而無悔之徒而識有不逮
見非好謀而成者也

東戶氏紹荒屯遺美好亟精拱默而九竅以承流當是

之時禽獸成羣竹木遂長道上雁行而不拾遺耕者餘
餽宿之畝首其歌樂而無淫其哭哀而不聲者皆至德
之世也

路史辨紀注天中
紀一引子思子

天中記首句東戶氏下有之熙載也四字各本作東
戶季子之世路史注引淮南許注云東戶季子古之
人君高注同雁行路史注作顏行茲依初學記改繆
稱訓取是文化耒耜餘糧宿諸畝首初學記作耕耨
餘糧藝文考證又作耕耜困學紀聞十并無此二字
言氏之子達於禮乎繼父同居服期

通典九十一云王
肅引子思子書

義詳禮經喪服經傳

孟軻問牧民之道何先子思曰先利之孟軻曰君子之
教民者亦仁義而已何必曰利子思曰仁義者固所以
利之也上不仁則不得其所上不義則樂爲詖此爲不
利大矣故易曰利者義之和也又曰利用安身以崇德
也此皆利之大者也

馬氏文獻通考二百八龍氏郡齋讀書志二孔叢書訓纂之

孟子與子思季不相及周季編略辨之已詳史荀孟
別傳併孟軻受業子思之門人孟子外書性善辨云
孟子受業子思之子子上斯言最爲覈實而據郡齋
讀書志鼂氏所見七卷本已有此條卽劉向所校二
十三篇中亦似早有此文故別女母儀傳藝文志自

注竝謂孟子師事子思風俗通窮通篇淮南子汜論
注亦同史記索隱引王劭說亦以荀孟別傳子思之
門人人字爲衍蓋二十三篇中在秦漢間已多後人
附益之文與晏子管子同劉氏父子校中秘書信從
其言故向佗列女傳歆佗七略皆本之爲說是則謂
孟子親受業於子思其言固未覈實謂劉向所校二
十三篇無此條亦似矯枉過正之論也讀者知其爲
後人附益之詞斯可矣

夫子之教必始於詩書而終於禮樂據說不與焉

困學紀聞

又又七引子思子孔叢子據訓義是語

子思居於衛有齊寇或曰寇至盍去諸子思曰如彼去
君誰與守

孟子

繆公亟問亟餽鼎肉子思不悅於卒也摯使者出諸大
門之外北面稽首再拜而不受曰今而後知君之犬馬
畜伋

全上

孟子曰蓋自是臺無餽也國君欲養君子以君命將
之再拜稽首而受其後廩人繼臬庖人繼肉不以君
命將之子思以爲鼎肉使已僕僕爾亟拜也非養君
子之道也

繆公亟見於子思曰古千乘之國以友士何如子思不

悅曰古之人有言曰事之云乎豈曰友之云乎

全上

子上之母歿而不哭門人問諸子思曰管者子之先君子
哭出母乎曰然子之不使白也哭之何也子思曰管
者吾先君子無所失道道隆則從而隆道污則從而污
伋則安能爲伋也妻者是爲白也母不爲伋也妻者是
不爲白也母

禮記檀弓

注云子上孔子曾孫子思伋之子名白其母出禮爲
出母期父卒爲父後者不服耳污猶殺也有隆有殺
進退如禮記曰自子思始也記禮所由廢非之案出
母有嫁不嫁之別禮爲出母期謂出而未嫁者也出

母而嫁是謂嫁母嫁母惟從者有服不從不爲服也
孔氏先代有爲出母服者出而不嫁者也故曰無所
失道出而不嫁禮宜從厚所謂道隆從隆是也子上
之母蓋出而改嫁者故曰不爲伋也妻改嫁本可不
服所謂道污從污是也云伋則安能者歎其事有異
於先君子也先君子謂先代之有賢德者其德本次
於子思故孔氏不從先君子而一守子思之訓如以
先君子爲至聖則孔氏斷從至聖不從子思矣記云
自子思始者記孔氏家事之始變也或變而失或變
而得隨文見義初不一科必謂記言自子思始示子

恩之失則自史佚始豈亦譏辭乎史佚以義起子恩以義斷者也

子恩曰卷三日而殯凡附於身者必誠必信勿之有悔焉耳矣三月而葬凡附於棺者必誠必信勿之有悔焉耳矣卷三季以爲極亾則弗之忘矣故君子有終身之憂而無一朝之患故思日不樂

全上

注云附於身謂衣衾附於棺謂明器之屬有終身之憂念其親無一朝之患毀不滅性案焉耳當亾焉爾猶云於此也論語女得人焉爾乎坊本亦誤爲焉耳子恩之哭嫂也爲佐婦人倡踊

全上

注云記善之也

曾子謂子思曰伋吾執親之器也水漿不入於口者七
日子思曰先王之制禮也過之者俯而就之不至焉者
跂而及之故君子之執親之器也水漿不入於口者三
日杖而後能起

全上

子思之母死於衛柳若謂子思日子聖人之後也四方
於子乎觀禮子蓋慎諸子思曰吾何慎哉吾聞之有其
禮無其財君子弗行也有其禮有其財無其時君子弗
行也吾何慎哉

全上

無其時者時子思失位不能以大夫器其母也注以

爲器其出母謬說詳禮故

穆公問於子思曰爲舊君反服古與子思曰古之君子
進人以禮退人以禮故有舊君反服之禮也今之君子
進人若將加諸膝退人若將隊諸淵毋爲戎首不亦善
乎有何反服之禮之有 全上

注云爲兵主來攻伐曰戎首

子思之母死於衛赴於子思子思哭於廟門人至曰庶
氏之母死何爲哭於孔氏之廟乎子思曰吾過矣吾過
矣遂哭於他室 全上

當是子思之從母死百從母小功服故來赴從母嫁

衛庶氏故曰庶氏之母歿子恩以服同外祖父母故
恩皇而失之哭於廟

孟子車

御覽三百六十三引聖證論學者不知孟軻字按子
恩書及孔叢子有孟子居卽是軻也軻少居坎軻故
名軻字子居也竊謂孟子未必是子恩弟子謂子恩
書有孟子字其說妄矣藝文攷證引傅子以爲字子
輿文選注同今孔叢子作子車師古注藝文志引聖
證論亦云字子車以爲居坎軻云云未得其詳是則
其改子車爲子居而以爲居坎軻之說者乃六朝時

之野語卽聖證論亦無是言也御覽所引卽據師古所斥本言之非聖證論原文如此

祝穆謂其妻曰天下有道我戴子佩天下無道我負子

戴

御覽四
百三

困學紀聞十以爲莊子逸文翁注謂御覽誤入子思子下

原憲處魯居環堵之室上漏下溼匡坐而弦歌子貢乘大馬中紺而表繫軒車不容巷往見原憲原憲正冠蹠履杖藜應門子貢曰嘻先生何病也原憲應之曰憲聞無財之謂貧學道而不能行之謂病今憲貧也非病也

子貢逡巡而有愧色全上

莊子讓王篇有此文翁注困學紀聞以御覽爲誤入
子思子下今姑附此

凡編輯逸書或以引見諸書爲次或以
義理相同而附排比歟後原無義類可
言攷子思子原書次第惟意林可見其
略故居首以下據諸子史注各類書爲
次略進退之末以通典通攷郡齋讀書
志困學紀聞爲次而以孟子檀弓之記
載語殿焉又以御覽之誤文附焉合而

讀之若子陽徒憂於君國魯穆之失問
於大臣失禮於高士皆當時君臣之昧
大體者也學以益才廉以養身為子思
之自道信在言非諸節又以見凡事皆
當求己人主自臧與舜好問相反而桀
紂之所以亾亦以自用故也哀樂失其
性狐狸失其名可見名實之宜辨管仲
子產中行穆伯諸節爲論人之學孟子
之問夫子之教又其傳授之大指斷圭
殘璧合而完焉是在好學深思心知其

意者

于家驚校

子思外篇卷之七

附錄

定海黃以周輯

夫子閑居喟然而歎子思再拜請曰意子孫不修將忝祖乎羨堯舜之道恨不及乎夫子曰爾孺子安知吾志子思對曰伋於進瞻亟聞夫子之教其父析薪其子弗克負荷是謂不肖伋每思之所以大恐而不解也夫子忻然笑曰然乎吾無憂矣世不廢業其克昌乎

孔叢子記問

子思問於夫子曰為人君者其不知任賢之逸也而不能用賢何故子曰非不欲也所以官人任能者由於不明也其君以譽爲賞以毀爲罰賢者不居焉

子思問於夫子曰伋聞夫子之詔正俗化民之政莫善於禮樂也管子任法以治齊而天下偁仁焉是法與禮樂異用而同功也何必但禮樂哉子曰堯舜之化百世不輟仁義之風遠也管仲任法身歿則法息嚴而寡恩也若管仲之知足以定法材非管仲而專任法終必亂成矣

子思問於夫子曰物有形類事有真偽必審之奚由子曰由乎心心之精神是謂推數究理不以疑周其所察聖人難諸

子上雜所述請於子思子思曰先人有訓焉學必由聖

所以致其材也屬必由砥所以致其刃也故夫子之敎

必始於詩書而終於禮樂雜說不與焉又何請

孔叢子雜訓

子思謂子上曰白乎吾嘗淡有思而算之得也於學則

脩焉吾嘗企有望而算之見也登高則覩焉是故雖有

本性而加之以學則無惑矣

困學紀聞引說苑此兩條解子思子

縣子

名瑣魯人

問子思曰吾聞同聲者相好子之先君見子

產時則兄事之而世謂子產仁恣偁夫子聖人是謂聖

道事仁變乎吾未論其人之孰先後也故質於子子思

曰然子之問也管季孫問子游亦若子之言也子游荅

曰以子產之仁愛譬夫子其猶浸水之與膏雨乎康子

孟子卷之八
四十九
曰子產死鄭人丈夫舍玳瑁婦女舍珠璣巷哭三月卒
慙不佗夫子之死也吾未聞魯人之若是也奚故哉子
游曰夫浸水之所及也則生其所不及則死故民皆知
焉膏雨之所生也廣莫大易民之受賜也普矣其識其
由來者上德不德是以無德季孫曰善縣子曰其然

孟子車尙幼請見子思子思見之甚悅其志命子上侍
坐焉禮敬子車甚崇子上不願也客退子上請曰白聞
士無介不見女無媒不嫁孟孺子無介而見大人悅而
敬之白也未諭敢問子思曰然吾嘗從夫子於郊遇程
子於途傾蓋而語終日而別命子路將束帛贈焉以其

道同於君子也今孟子車孺子也言僭堯舜性樂仁義
世所希有也事之猶可況加敬乎非爾所及也

子思在魯使以書如衛問子上子上北面再拜受書伏
讀然後與使者宴遂爲復書返中庭北面再拜以授使
者既授書然後退使者還魯問子思曰吾子堂上南面
大授臣書事畢送臣子上中庭拜授臣書而不送何也
子思曰拜而不送敬也使而送之賓也

魯人有同姓以而弗弔者人曰在禮當免不免當弔不
弔有司罰之如之何子之無弔也荅曰吾以其疎遠也
子思聞之曰無恩之甚也管者季孫問於夫子曰百世

三
之宗有絕道乎子曰繼之以姓義無絕也故同姓爲宗
合族爲屬雖國子之尊不廢其親所以崇愛也是以綴
之以食序別昭穆萬世婚姻不通忠篤之道然也

魯穆公訪於子思曰寡人不尋嗣先君之業二季矣未
知所以爲令名者且欲掩先君之惡以揚先君之善使
談者有述焉爲之若何願先生教之也子思荅曰以伋
所聞舜禹之於其父非弗欲善也以爲私情之細不如
公義之大故弗敢私之云爾責以虛飾之教又非伋所
得言公曰思之可以利民者子思曰願有惠百姓之心
則算如一切除非佞之事也毀不居之室以賜窮民奪

發寵之祿以賑困匱無令人有悲怨而後世有聞見抑
亦可公曰諾

縣子問子思曰顏回問爲邦夫子曰行夏之時若是殷

周異正爲非乎子思曰夏數得天堯舜之所同也

成康

堯舜亦改正堯建丑舜建子
王肅改竄孔叢子意在改鄭殷周之王征伐革命以應

乎天因改正朔若云天時之改耳故不相因也夫受禪
於人者則襲其統受命於天者則革之所以神其事如
天道之變然也三統之義夏得其正是以夫子云

穆公問於子思曰太太子有常乎荅曰有之在周公之
典公曰管文王舍適而太其次微子舍孫而太其弟是

何法也子思曰殷人質而尊其尊故太弟周人文而親其親故太子亦各其禮也文質不同其禮則異文王舍適太次權也公曰苟得行權豈唯聖人唯賢與愛太也子思曰聖人不以權教故太制祿法順之爲賢若必欲犯何有於異何有不難之詞公曰舍賢太聖舍愚太賢何如子思曰唯聖太聖其文王乎不及文王者則各賢其所愛不殊於適何以隄之必不能審賢愚之分請父兄羣臣卜於祖廟亦權之可也

孟軻問牧民何先子思曰先利之曰君子之所以教民亦仁義固所以利之乎子思曰上不仁則下不得其所

上不義則樂為亂也此為不利大矣故易曰利者義之

和也又曰利用安身以崇德也此皆利之大者也

孟子引子思

子思居衛言苟變於衛君曰其材可將五百乘君任軍

旅率得此人

率達通謂將帥

則無敵於天下矣衛君曰吾知其

材可將然變也嘗為吏賦於民而會人二雞子以故弗

用也子思曰夫聖人之官人猶大匠之用木也取其所

長棄其所短故杞梓連抱而有數尺之朽良工不棄何

也知其所妨者細也卒成不訾之器今君處戰國之世

選爪牙之士而以二卵棄千城之將此不可使聞於鄰

國者也衛君再拜曰謹受教矣

孔叢子居衛

子思適齊齊君之嬖臣美須眉太平側齊君指之而笑
且言曰假貌可相易寡人不惜此之須眉於先生也子
思曰非所願也所願者唯君修禮義富百姓而伋得寄
帑於君之境內從繼負之別其榮多矣若無此須鬣非
伋所病也管堯身脩十尺睂乃八彩實聖舜身脩八尺
當作六尺有奇面頰無毛亦聖禹湯文武及周公勤思勞體
或折臂望視或禿髡背僂亦聖不以須眉美鬣爲僂也
人之賢聖在德豈在貌乎且吾性無須眉而天下王侯
不以此損其敬由是言之伋徒患德之不邵美也不病

毛鬣之不茂也

金樓子引
子思子

子思謂子上曰有可以爲公之尊而富賢人眾不與焉者非唯志乎成其志者非唯無欲乎夫錦繡紛華所服不過溫體三牲大牢所食不過充腹知以身取節者則知足矣苟知足則不棄其志矣

曾子謂子思曰魯者吾從夫子巡守於諸侯夫子未嘗失人臣之禮而猶聖道不行今吾觀子有傲世主之心無乃不容乎子思曰時移世異人有宜也

人似各字當之脫語

吾先君周制雖毀君臣固佔上下相持若一體然夫欲行其道不執禮以求之則不能入也今天下諸侯方欲力爭競招英雄以自輔翼此乃得士則昌失士則亡之

秋也伋於此時不自高人將下吾不自賢人將賤吾舜禹揖讓湯武用師非故相詭乃各時也

子恩在齊尹文子生子不類怒而杖之告子恩曰此非吾子也吾妻始不婦吾將黜之子恩曰若子之言則堯舜之妃復可疑也此二帝聖者之英而丹朱商均不及匹夫以是推之豈可類乎然舉其多者有此父斯有此子道之常也若夫賢父之有愚子此由天道自然非子之妻之辜也尹文子曰先生止之願無言文畱妻矣孟軻問於子恩曰堯舜文武之道可力而致乎子恩曰彼人也我人也傳其言履其行夜思之晝行之滋滋焉

汲汲焉如農之赴時商之趨利惡有不至者乎

子思謂孟軻曰自大而不修其所以大不大矣自異而不修其所以異不異矣故君子高其行則人莫能階也遠其志則人莫能及也禮接於人人不敢慢辭交於人人不敢侮其唯高遠乎

申祥問曰殷人自契至湯而王周人自棄至武王而王同轡之後也周人追王大王王季文王而殷人獨否何也子思曰文質之異也周人之所追大王王迹起焉又曰文王受命斷虞芮之訟伐崇邦遷犬戎追王大王王季何也子思曰狄人攻大王大王召耆老而問焉曰狄

人何來耆老曰欲得菽粟財貨大王曰與之與之至無而狄人不止大王又問耆老曰狄人何欲耆老曰欲土地大王曰與之耆老曰君不爲社稷乎大王曰社稷所以爲民也不可以所爲民者亾民也耆老曰君縱不爲社稷不爲宗廟乎大王曰宗廟者私也不可以吾私害民遂杖策而去過梁山止乎岐下幽民之東脩奔而從之者三千乘一止而成三千乘之邑此王道之端也成王於是追而王之王季其子也承其業廣其基焉雖同追王不亦可乎

羊客問子恩曰古之帝王中分天下使二公治之謂之

二伯周自后稷封爲王者後子孫據國至大王王季文
王此固世爲諸侯矣焉得爲鹵伯乎子思曰吾聞諸子
夏殷王帝乙之時王季以功九命伯受珪瓚秬鬯之
賜故文王因之得專征伐此以諸侯爲伯猶周召之君
爲伯也

子思季十六適宋宋大夫樂朔與之言學焉朔曰尙書
虞夏數四篇善也下此以訖於秦費效堯舜之言百殊
不如也子思荅曰事變有極正自當百假令周公堯舜
不更時異處其書同矣樂朔曰凡書之伯欲以喻民也
簡易爲上而乃故佗難知之辭不亦繁乎子思曰書之

意兼復淡奧訓詁成義古人所以爲典雅也曰魯魯委
巷亦有似君之言者伋荅之曰道爲知者傳苟非其人
道不傳矣今君何似之甚也樂朔不悅而退曰孺子辱
吾其徒曰魯雖以宋爲舊然世有讐焉請攻之遂圍子
思宋君聞之不待駕而救子思子思既免曰文王困於
牖理化周易祖君屈於陳蔡伯春秋吾困於宋可無伯
乎於是撰中庸之書四十九篇季十六書四十
九篇然無他微
子思遊齊陳莊伯與登泰山而觀見古天子巡狩之銘
焉陳子曰我生獨不及帝王封禪之世子思曰子不欲
爾今周室卑微諸侯無霸假以齊之眾連鄰國以輔文

武子孫之有德者則齊桓晉文之事不足言也陳子曰
非不悅斯道力不堪也子聖人之後吾願有聞焉敢問
管聖帝明王巡狩之禮可得聞乎子思曰凡求聞者為
求行之也今子自計必不能行欲聞何為陳子曰吾雖
不敏亦樂先王之道於子何病而不吾告也子思乃告
之曰古者天子將巡守必先告於祖禰命史告羣廟及
社稷圻內名山大川告者七日而遍親告用牲史告用
幣鄭康成義告祭用幣燕性申命冢宰而後清道而出
王肅改竄此文意在攻鄭或以遷廟之主行載于齋車每舍奠焉及所經五嶽四
瀆皆有牲幣歲二月東巡守至於岱宗柴於上帝望秩

於山川所過諸侯各待於境天子先問百宰者所在而
親問之然後覲方岳之諸侯有功德者則發帑賜服以
順陽義無功者則削黜貶退以順陰義命史采民詩謠
以觀其風命市納價察民之所好惡以知其志命典禮
正制度均量衡考衣服之等協時月日辰入其疆遺老
失賢培克在佗則君免山川社稷有不親舉土荒民遊
爲無教無教者則君退民淫僭上爲無法無法者則君
罪入其疆土地墾闢耆老尊賢俊傑在佗則君有慶遂
南巡又月至於南嶽又鹵巡八月至於鹵嶽又北巡十
有一月至於北嶽其禮皆如岱宗歸反舍於外次三日

齋親告於祖禰用特命有司告羣廟社稷及圻內名山大川而後入聽朝此古者明王巡守之禮也陳子曰諸侯朝於天子盟會霸主則亦告宗廟山川乎子恩曰告哉陳子曰王者巡守不及四岳諸侯盟會不越鄰國則其禮同乎異乎子恩曰天子封圻千里公侯百里伯七十里子男又十里虞夏殷周之常制也其或出此封者則其禮與巡守朝會無變其不越封境雖行如國陳子曰古之義也吾今而後知不學者淺之爲人也孔叢子巡狩魯人有公儀潛者砥節礪行樂道好古恬於榮利不事諸侯子恩與之友穆公因子恩欲以爲相謂子恩曰公

儀子必輔寡人參分魯國而與之一子其言之子恩對
曰如君之言則公儀子愈所以不至也君若飢渴待賢
納用其謀雖蔬食水飲飯亦願枉下風令徒以高官厚
祿釣餌君子無信用之意公儀子之智若魚身可也不
然則彼將終身不躡乎君之庭矣且臣不佞又不任爲
君操竿下釣以蕩守節之士也

孔叢子公儀高
士傳引子恩

閭邱溫見田氏將必危齊欲以其邑叛而適魯穆公聞
之謂子恩曰子能懷之則寡人割邑如其邑以常宗子
恩曰彼雖能之義所不爲也公曰何子恩對曰彼爲人
臣君將敗弗能扶而叛之逆臣制國弗能以其身死而

逃之此臯誅之人也伋縱不能討而又要利以召姦非
忍行也

穆公問子思曰吾聞龍欄氏子不孝其行何如對曰臣
聞明君之爲政尊賢以崇德舉善以勸民則四方之內
輒敢不化若夫過行是細人所識不治其本而問其過

臣不知所以也公曰善

韓非子
引子思

穆公謂子思曰子之書所記夫子之言或者以爲子之
辭子思曰臣所記臣祖之言或親聞之者有聞之於人
者雖非正其辭然猶不失其意焉且君之所疑者何公
曰於事無非子思曰無非所以得臣祖之意也就如君

言以爲臣之辭臣之辭無非則亦所宜賢矣事旣不然
又何疑焉

穆公謂子思曰縣子言子之爲善不欲人譽己信乎子
思對曰非臣之情也臣之修善欲人知之知之而譽臣
是臣之爲善有勸也此臣所願而不可得者也若臣之
修善而人莫知莫知則必毀臣是臣之爲善而受毀也
此臣所不願而不可避者也若夫雞鳴爲善滋滋以至
夜半滋滋猶華而曰不欲人之知恐人之譽己臣以爲
斯人也者非虛則愚也

胡毋豹

魯人

謂子思曰子好大世莫能容子也盍亦隨時

乎子恩曰大非所病所病不大也凡所以求容於世爲行道也毀道以求容容何行焉大不見容命也毀大而求容臯也吾弗改矣

子恩居貧其友有饋之臬者受二車焉或獻樽酒束脩子恩弗爲當也或曰子取人臬而辭吾酒脯是辭少而取多也於義則無名於分則不全而子行之何也子恩曰然彼不幸而貧於財至乃困乏將恐絕先人之祀夫以受臬爲周之也酒脯則所以飲宴也方乏於會而乃飲宴非義也吾豈以爲分哉度義而行也或者擔其酒脯以歸

穆公問子思曰吾國可興乎子思曰可公曰爲之柰何
對曰苟君與大夫慕周公伯禽之治行其政化開公家
之惠杜私門之利結恩百姓修禮鄰國其興也勃矣

子思曰吾之富貴甚易而由不能

由古通猶

夫不取於人謂

之富不辱於人謂之賢不取不辱其於富貴庶矣哉

曾申謂子思曰屈己以伸道乎抗志以貧賤乎子思曰
道伸吾所願也今天下王侯其孰能哉與屈己以富貴
不若抗志以貧賤屈己則制於人抗志則不愧於道

孔叢

子抗志

子思居衛衛人釣於河得鰈魚焉其大盈車子思問之

曰鰾魚魚之難得者也子果何得之對曰吾始下釣巫
一魴之餌鰾過而弗視也更以豚之半體則吞之矣子
恩喟然曰鰾雖難得貪以死餌士雖懷道貪以死祿矣
子恩居衛魯穆公卒縣子使乎衛聞喪而服謂子恩曰
子雖未臣魯父母之國也先君宗廟在焉奈何不服子
恩曰吾豈忘乎禮不得也縣子曰請問之荅曰臣而公
國君不掃其宗廟則不爲之服寄公寓乎是國而爲國
服吾旣無別於魯而祭在衛吾何服哉是寄臣而服所
寄之君則舊君無服明不二君之義也縣子曰善哉我
未之恩也

衛君言計是非而羣臣和者如出一口子思曰以吾觀
所爲君不君臣不臣者也公邱懿子曰何乃若是子思
曰人主自臧則衆謀不進事是而臧之猶卻衆謀況知
非己長乎夫不察事之是非而悅人之讚已聞其甚焉
不度理之所在而阿諛求容諂諂甚焉君聞臣諂以居
百姓之上民弗與也若此不已國無類矣

據御覽引
子思子校

子思謂衛君曰君之國事將日非矣君曰何故對曰有
由然焉君出言皆自以爲是而卿大夫莫敢矯其非卿
大夫出言亦皆自以爲是而士庶莫敢矯其非君臣既
自賢矣而羣下同贊賢之賢之則順而福矯之則逆而

有禍故使如此如此則善安從生詩曰具曰予聖誰知
烏之雌雄抑亦似衛之君臣乎

衛君問子思曰寡人之政何如荅曰無非君曰寡人不
知其不肖亦望其如此也子思曰希旨容媚則君親之
在朝之士孰肯舍所以見親而取其所以見疏者乎是
故競求射君之心而算敵有非君之非者此臣所謂無
非也公曰然乎寡人之過也今知改矣荅曰君弗能焉
口順而心不懌者臨其事必疵君雖有命臣未敢受也
司徒文子改葬其叔父問服於子思子思曰禮父母改
葬總旣葬而除不忍無服送至親也非父母無服無服

則弔而加麻文子喪服既除然後乃葬則其服何服荅
曰三季之喪未葬服不變除何有焉期大功之喪服其
所除之服以葬既葬而除之其虞也吉服以行事也

公叔木

衛公叔文子之子定公十四
季奔魯木或作朱春秋作戊

謂申祥曰吾於子

恩親而敬之子恩未吾察也申祥以告曰人求親敬於
子子何辱焉子恩荅曰義也申祥曰請問之荅曰公叔
氏之子處人之同己慢而不知賢夫其親敬非心見吾
所可親敬也以人口而親敬吾則亦以人口而疏慢吾
矣申祥曰其不知賢柰何荅曰有龍穆者徒好飾弄辭
說觀於坐席相人睂睫以偽之意天下之淺人也而公

叔子交之橋子良修實而不修名爲善不爲人之知己
不撞不發如大鍾然天下之淡人也而公叔子與之同
邑而弗能知此其所以爲處同己而不知賢也

子思自齊反衛衛君

衛侯公

館而問曰先生魯國之士然

不以衛之禍少猶步玉趾而慰存之願有賜於寡人也
子思曰臣羈旅於此而辱君之威尊亟臨華門其榮多
矣欲報君以財幣則君之府藏已盈而侈又貧欲報君
以善言恐未合君志而徒言不聽也願未有可以報君
者唯進賢爾衛君曰賢固寡人之所願也子思曰未審
君之願將何以爲君曰必用以治政子思曰君弗能也

君曰何故荅曰衛國非無賢才之士而君未有善政是
賢才不見用故也君曰雖然願聞先生所以爲賢者荅
曰君將以名取士邪以實取士邪君曰必以實子思曰
衛之東境有李音者賢而有實者也君曰其父祖何也
荅曰世農夫也衛君乃胡盧大笑曰寡人不好農夫
之子無所用之且世臣之子未悉官之子思曰臣備李
音備其賢才也周公大聖康叔大賢今魯衛之君未必
皆同其祖考李音父祖雖善農則音亦未必與之同也
君言世臣之子未悉官之則臣所謂有賢才而不見用
果信矣臣之問君固疑君之取士不以實也今君不問

李音之所以爲賢才而聞其世農夫因笑而不愛則君
取士果信名而不由實者也衛君屈而無辭

衛君曰夫道大而難明非吾所能也今欲學術何如子
思曰君無然也體道者逸而不窮任術者勞而無功古
之篤道君子生不足以喜之利何足以動之死不足以
禁之害何足以怨之怨似恐
字之譌故明於死生之分通於利
害之變雖以天下易其脛毛無所繫於志矣是以與聖
人居使窮士忘其貧賤使王公簡其富貴君無然也衛
君曰善

齊王謂子思曰今天下擾擾諸侯燕伯吾國大人眾圖

帝何如子思曰不可也君不能去君貪利之心王曰何如子思曰夫水之性清而土壤汨之人之性安而嗜欲亂之故能有天下者必無以天下爲者也能有名譽者必無以名譽爲者也達此則其利心外矣

衛將軍文子之內子死復者曰皋嬭女復子思聞之曰

此女氏之字非夫氏之名也婦人於夫氏以姓氏併禮

也

器大記凡復男子併名婦人併氏不言姓小記婦人書姓與伯仲書銘之例也王肅改竄此文誤合之

費子陽

魯大夫家臣

謂子思曰吾念宗周將滅涕涕不可禁

也子思曰然此亦子之善意也夫能以智知可知而不能以智知未可知危之道也今以一人之身憂世之不

治而汰涕不禁是憂河水之濁而以汰清之也其爲無
益莫大焉故微子去殷紀季入齊良知時也唯能不憂
世之亂而慮身之不治者可與言道矣

類聚引
子思子

齊王戮其臣不辜謂子思曰吾知其不辜而適觸吾忿
故戮之以爲不足傷義也子思曰文王葬枯骨而天下
知仁商紂斬朝涉而天下偁暴夫義者不必徧利天下
也暴者不必盡虐海內也以其所施而觀其意民乃去
就焉今君因心之忿遷戮不辜以爲無傷於義此非臣
之所敢知也王曰寡人實過乃今聞命請改之

衛公子交見於子思曰先生聖人之後執清高之操天

下之君子莫不服先生之大名也交雖不敵竊慕下風
願師先生之行幸顧恤之子思曰公子不宐也夫清高
之節不以私自彙不以利煩意擇天下之至道行天下
之正路今公子紹康叔之緒處戰伐之世當務收英雄
保其疆土非所以明臧否之規檢修匹夫之行之時也
衛公子交饋馬四乘於子思曰交不敵以此求先生之
歡而辱先生之潔也先生久降於鄙土蓋爲賓主之餽
焉子思曰伋寄命以來度身以服衛之衣量腹以食衛
之粟矣又且朝夕受酒脯及祭燔之賜衣食已優意氣
已定以燕行志未敢當車馬之貺禮雖有賚賜人不踰

父兄今重違公子之盛旨則有失禮之僭焉若何公子曰交已言於君焉荅曰不可為人子者三賜不及車馬公子曰我未之間也謹受教

穆公欲相子思子思不願將太魯魯君曰天下之主亦猶寡人也太將安之子思荅曰蓋聞君子猶鳥也疑之則舉今君既疑矣又以己阻天下之君臣竊爲言之過

也

呂覽引
孔恩同

齊王謂子思曰先生名高於海內吐言則天下之士莫不屬耳目今寡人欲相梁起起也名少願先談說之也子思曰天下之士所以屬耳目者欲俟之言是非當也

今君使伋虛談於起則天下之士必改耳目矣耳目既
改又無益於起是兩有喪也故不敢殞命齊君曰起之
不賢何也子恩曰君豈未之知乎厚於財物必薄於德
自然之道也今起以貪成富聞於諸侯而無救施之惠
焉以好色聞於齊國而無男女之別焉有一於此猶受
其咎而起二之能無紊乎王曰寡人之言實過願先生
赦焉

子恩見老萊子老萊子聞穆公將相子恩老萊子曰若
子事君將何以爲乎子恩曰順吾性情以道輔之無成
亡焉老萊子曰不可順子之性也子性剛而傲不肖又

且無所歿也非人臣也子思曰不肖固人之所傲也夫
事君道行言聽則何所歿也道不行言不聽則亦不能
事君所謂無歿也也老萊子曰子不見夫齒乎齒堅剛
卒盡相磨舌柔順終以不弊子思曰吾不能爲舌故不
能事君

于家驥校

二十七卷共計五千九百字

江陰南菁書院高彙康刻字